



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CXL. Ut omnes Conventus Provinciarum Peruntinæ, & Chilen. Ordinis
Fratrum Eremitarum S. Augustini in possessionem privilegiorum, in qua
usque modo fuerunt, deinceps absque ulla alteratione ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

BULLARIUM ROMANUM.

TOMUS DECIMUS-QUINTUS,

SIVE

CONTINUATIONIS PARS NONA.

CLEMENTIS XII. PONTIFICIS CCL.

ANNO V. & CHRISTI MDCCXXXIV.

ANNO
1734.

CLEMENS XII. quem in Romanum Pontificem electum diximus die 12. Julii 1730. quindecim peractis Promotionibus trigintaquinque creavit Cardinales. Sedit in Pontificatu Ann. IX. Menses VI. Dies XXIV. Obiit vero die 6. Februarii 1740. Cujus corpus primum ad S. Petrum delatum postea in Lateranensi Basilica tumulatum est in Monumento, quod sibi vivens extruxerat. Vacavit Sedes Menses VI. Dies XI.

ANNO
1734.

CXL.

Ut omnes Conventus Provinciae Peruntinae, & Chilen. Ordinis Fratrum Eremitarum S. Augustini in possessionem privilegiorum in qua usque modo fuerunt, deinceps absque ulla alteratione permaneant, etiam si octo Religiosos de familia non habeant, non obstantibus Literis Pauli V. quibus hujusmodi Domos suppressi jubebatur.

CLEMENS PP. XII.

Ad futuram rei memoriam.

Conventus Ord. Praedicatorum, & Eremitarum S. Augustini in Provinciae Peruntinae & Chilen. in America, quamvis tres duntaxat Religiosos de familia alerent, fruebantur Privilegiis ceterarum Domorum Regularium.

S. I.



Didacus Salinas & Cabrera Frater pariter expressit Professus Ordinis Eremitarum S. Augustini, in eadem Sacra Theologia Magister, Assistens Generalis Hispaniarum, ac pro Peruntina & Chilensi Provinciae itidem Procurator, quod in vastissimis Americae Meridionalis Regionibus dictae Provinciae, plures reperiuntur Regulares Conventus fundati, vel in locis a Civitatibus valde remotis, vel in Oppidis parvis, & miserimis, qui non alio fine illic sunt fundati, quam ut Spirituali Christifidelium ibidem commorantium utilitati inserviant: idem etiam accidit in aliis Conventibus, qui dicuntur Prioratus pro Indo-

rum Christifidelium assistentia, ac instructione erectis, qui solum, ex tribus Provinciae supra relatis, sunt in Provincia Peruntina eorundem Ordinum, praedicti vero Conventus ut plurimum sunt pauperrimi, & consequenter nec habent, nec alere possunt nisi duntaxat sex, quinque, quatuor, aut tres Religiosos de familia, cum quibus & spiritualibus Fidelium hujusmodi indigentis abunde providetur, & disciplinae Regularis sequela, quoad posse, conservatur, quibus de causis, tam ex Constitutionibus, seu Statutis Ordinis, Apostolica confirmatione roboratis, quam ex inconcussa, inveterataque dictarum Provinciae praxi, omnibus domorum, seu Conventuum Regularium usque modo privilegiis, eorumque Priores, seu Praelati canonice electi voce activa in Capitulis Provincialibus, eorumque electionibus gaudebant.

§. 2. Anno autem MDXXI. die 21. Septembris a fel. rec. Paulo PP. V. Praedecessore nostro quaedam Literae in simili forma Brevis expeditae emanarunt, per quas statuebatur, quod Conventus Provinciae Americae, qui numerum saltem octo Religiosorum alere non possunt, supprimerentur, & Religiosi in illis residentes ad alios Conventus, ubi Regularis vigeret observantia, transferrentur; committendo earum executionem arbitrio Episcoporum illarum Partium, si ipsis pro Divini cultus augmento, & regularis disciplinae observantia expedire videretur, eorum super hoc conscientiam onerando.

§. 3. Sed nunquam usque modo relatae litterae a dictis Episcopis executioni mandatae fuerunt, imo retroactis annis tunc existens Archiepiscopus Sanctae Fidei novi Regni Granatensis, tunc etiam existentibus S. R. E. Cardinalibus Con-

Paulus vero V. iussit eos suppressi Conventus, in quibus octo saltem Religiosi alii non possint, mandati hujus executionem Episcopis committens.

Sed quamvis ut supra iussu factum nunquam fuerit factis ex mente quoque Episco-

1734.

porum, qui ea dixerunt non exequenda; nonnulli tamen ad privandos illorum Domorum Priores a voce activa in Capit. Provincialibus eadem exequi velent.

gregationis negotiis, & Consultationibus Episcoporum, & Regularium prepositæ, per peculiare literas ipsas directas, retulit impossibile prorsus fore ad earum executionem devenire, & certe per centum viginti duos annos eam haud omisissent, si dictas literas aut reducendas ad praxim, vel convenientes illic judicassent, quum ipsis tam serio, & sub conscientia gravamine eorundem executio fuisset demandata. Porro post centum fere annos a prædictarum literarum expeditione, in una, aut alia Provincia aliqui particulares Religiosi (personarum exterarum fulti patrocinio) ob personales vitiosque fines earum executionem demandarunt, non quoad Conventuum suppressionem, aut quoad alios effectus in eisdem literis contentos, sed solum quoad finem excludendi a Suffragio activo in Capitulo Provinciali, ejuisque electionibus Priores, seu Prælatos Conventuum, octo Religiosos de familia non habentium, illosque de facto sæpius excluderunt maximo cum scandalo, & pacis Regularis jactura, ut frequenti experientia comperitum est, ex ejusmodi literarum executione ingentia ferme pullulare damna, cum illarum observantia demandetur, solum quoad Vocalium exclusionem, & hoc ipso tempore celebrationis Capituli, aut immediate ante, nimirum quando præterentes agnoscent se votum ferentibus, vel non ferentibus dictis Prioribus, posse includi vel excludi, consequenterque solum tendat ad turbandam Provinciarum pacem, & ad fovendas continuas inter Religiosos discordias, vel ad validandam, vel annullandam ad proprium nutum, & libitum electionem, ut memoratus Sanctæ Fidei Archiepiscopus eidem Congregationi Cardinalium retulit, & ex hoc sequitur, quod prædictarum literarum executio modo dicto, plus damni, quam utilitatis dictis Provinciis afferat; & si, quoad suppressionem Conventuum, in usum adducitur, in maximam dictorum Fidelium perniciem redundaret.

Pontifex illis Conventibus antiqua jura, & Privilegia confirmat.

§. 4. Cum autem, sicut eadem expositio subjungebat, ipsi exponentes, quo fraudibus, malitiisque via præcludatur, & Conventuum indemnitati, & Capitulorum, Religiosorumque quieti consulatur, opportune in præmissis a Nobis provideri, & ut infra indulgeri summopere desiderent. Nos ipsos exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis Sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati. Ut omnes supradicti Conventus in possessionem privilegiorum, in qua usque modo fuerunt, deinceps absque ulla alteratione permaneant, etiam si octo Religiosos de familia non habeant, aut possint alere, eorumque Priores, seu Prælati legitime electi, voce activa in Capitulis Provincialibus, aliisque electionibus sicut antea potiantur, & gaudeant, & eodem prorsus modo Priores Conventuum Indorum, auctoritate Apostolica, tenore præsentium, indulgemus.

Hæc literas perpetuo valituras firmat.

§. 5. Decernentes eandem præsentem literas firmas, validas, & efficaces existere, & fore, suoque plenarias, & integros effectus sortiri, & obtinere, & illis ad quos spectat, & pro tempore spectabit in omnibus, & per omnia plenissime suffragari, & ab eis respectu inviolabiliter observari. Sicque in præmissis, per quoscumque Judices Ordinarios, & delegatos, etiam causarum Palatii Apostolici Auditores judicari, & definiti debere, ac irritam, & inane, si fecus super his a quoquam quavis au-

thoritate scienter, vel ignoranter contigerit attentari.

§. 6. Non obstantibus præfati Pauli, & aliorum Romanorum Pontificum Prædecessorum Nostrorum literis, per quas determinatus numerus Religiosorum in Monasteriis præfinitur, aliisque Constitutionibus, & Ordinationibus Apostolicis, necnon Provinciarum, Ordinum, & Conventuum hujusmodi etiam juramento, confirmatione Apostolica, vel quavis alia firmitate roboratis statutis, & consuetudinibus, privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, & de verbo ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 7. Volumus autem, ut eorundem Literarum transumptis, seu exemplis etiam impressis, manu alicujus Notarii publici subscriptis, & Sigillo personæ in Ecclesiastica Dignitate constituta munitis, eadem prorsus fides adhibeatur, quæ ipsis præsentibus adhiberetur, si forent exhibitæ, vel ostensæ.

Datum Romæ apud Sanctam Mariam Majorem sub annulo Piscatoris die 19. Julii MDCCLXXXIV. Pontificatus Nostri Anno V.

F. Card. Oliverius.

1734.

Obstantibus derogat

Transumptis fidem adjicit.

*Dat. die 19. Julii 1734. An. V.

Septuaginta quinque ducatos qui post obitum singulorum Cardinalium Officialibus, & Ministris Sacri S. R. E. Cardinalium Collegii per Hæredes defuncti juxta Pauli V. Constitutionem solvendi erant, deinceps a singulis Cardinalibus in sua ad Cardinalatum promotione solvi præcipit.

CXLI.

CLEMENS PP. XII.

Ad futuram rei memoriam.

Alias fel. rec. Paulus PP. V. Prædecessor noster considerans assiduos labores, quos Officialibus, seu Ministris Sacri S. R. E. Cardinalium Collegii in rebus, & negotiis ejusdem Sacri Collegii procurandis sustinebant, per quasdam suas in simili forma Brevis die 3. Januarii 1619. expeditas literas, Motu suo proprio, ac ex certa scientia, Secretario, Clerico, & Computista ipsius Sacri Collegii septuaginta quinque Ducatos auri de Camera, nimirum vintiquinque pro quolibet eorum a singulis Cardinalibus in promotione ad Cardinalatum honorem, ac totidem post obitum singulorum Cardinalium, etiam si ad Cardinalatus dignitatem promoti Romam nondum venissent, & five illos in Romana Curia, vel extra eam, & ubique decedere contingeret, in supplementum mercedis ordinariæ eorundem Officialium, five Ministrorum deberi, illisque conjuncta per pro tempore existentes Cardinales prædictos, seu eorum Agentes, & Hæredes respectu, absque mora solvi, & eis consignari debere, sine tamen præjudicio quorumcumque jurium Cameræ Apostolicæ quomodolibet debitorum, ac solvendorum, auctoritate Apostolica perpetuo statuit, & ordinavit, prout in Pauli Prædecessoris literis præfatis, quarum tenorem præsentibus pro plene, & sufficienter expresso, & inserto haberi volumus, uberius continetur.

Paulus V. Ministris Sac. Collegii solvi jussit a Cardinalibus in die promotionis 75. Ducatos, totidemque post mortem.

§. 2. Cum autem, sicut accepimus, septuagintaquinque Ducatorum auri hujusmodi eisdem Officialibus, seu Ministris post obitum Car-

Sed cum exactio dd. 75. Ducat. post mortem

dinalium,